

## Tã îgĩ-îgĩ Póólō kã rĩ lâ Tēsālōnikã lé 'bá yî drí rî 2 Tēsālōnikã lé 'bá

<sup>1</sup> ãmã Póólō, Sîlívãñ, \* Tîmátîyã yî bê, mã 'è nî-bê-yã ãmbá ãñî òjílã ãmã átã Ôvãrí kã gõ'dã Kúmú ãmákã Yésũ Krístõ kã rî bê rĩ 'bã Tēsālōnikã 'álã rî 'bã yî drí.

<sup>2</sup> ãmã átã Ôvãrí gõ'dã Kúmú ãmákã Yésũ Krístõ bê, õfê ãyî õrê ãñî drí tã ã'dí bê.

*Tã Póólō drí rãtãã 'èzõ krístõ 'bã yî tãsí õzõ  
ã'dõ trá*

*kãyî lâñõ kã 'á rî*

<sup>3</sup> ãmã âdrúpĩ yî ãmã îzó yî bê, rĩ'á tã mbî ró ãmã drí rîzó Ôvãrí rî lûyílí kãrá tãlã ãñî tãsí, tã lëlê ãñíkã Ôvãrí 'á rî trá rû lôpé'á ãtĩ 'álã. Gõ'dã lôvó ãñíkã ãzî-ãzî drí ãkí ãkó rî kpã trá rû lôpé'á rõõ ãtĩ 'álã.

<sup>4</sup> ã'dólé bê trá ãtí rî, ãmã rî gógó rĩ'á ãñî rû lûyí'á krístõ 'bã võ ãzã 'bã yî 'ásĩ rî yî drí kĩ nĩ rî, ãñî drê zãã rĩ'á tã lëlê bê Ôvãrí 'á kãyî ãndrõ rû ãzã-ãzã kã gõ'dã kpã lâñõ bê nõ sí.

<sup>5</sup> Gõ'dã mã ñî trá 'á lâ sí kĩ nĩ rî, Ôvãrí ã'dõ tã kĩ'á mbîmbî ró, gólã õtírĩ tã ãdũkũ íyíkã átã kĩ'á nĩ rî, ãñî rĩ'á ãcã-ãcã ró ã'dólé òjílã íyíkã ró rî.

---

\* **1:1** 1.1 Sîlívãñ Sîlívãñ rî rû ãzã rĩ'á Sílã.

6 Ôvârí â'dô tâ mbîmbî rî 'ê'á î'dî. Gólâ â'dô lâṅṅ ôfê'á ôjílâ gólîyî rî 'bá rî'á âní îzâlê îtî rî yî drî.

7 Gólâ â'dô âmâ 'bã'á âní bê lôvólé rû îzã-îzã 'ásî, mã ôtîrî Yésû rî ndrêê ânîrî 'á úrú lésî rî, cú lășî kôkô lărũ-lărũ rî bê kpá mälâyîkã íyîkã mbârâkã äkî rî 'bá yî bê rî.

8 Ôvârí â'dô lâṅṅ fê'á ôjílâ gólâ rî nî 'bá kô rî yî drî, tâlá gólîyî gã dó tâ âtî-âtî tândî gólâkã Yésû rî tãsí rî ârîlí.

9-10 Lâṅṅ rî 'dî â'dô 'bã'á zãâ gbádu ädukũ äkó. Ââ'dô ôjílâ 'dî 'bá yî drô'á volé Yésû gólâ mbârâkã bê gărã rî lăgátî sî, kâyî gólâ drî 'ezó ägôlé ängó nõ 'á, ôjílâ gólâkã nyãányã lâ yî ró rî drî rîzô gólâ rî lûyîlí, gô'dá kpá rî'á lâṅṅ 'bälé gólâ drî rî 'á. Gô'dá ânî ífîfî â'dô 'ê'á 'bälé ôjílâ gólîyî rî 'bá gólâ rî lûyîlí 'dî 'bá yî lâfálé, tâlá ânî rî'á tâ lëlê bê tâ âtî-âtî Yésû rî tãsí rî 'á.

11 Îtî rî, âmâ rî'á kárã äwó ngô'á Ôvârí drî ânî tãsí kî nî rî, Ôvârí ô'ê ânî îcálé â'dólé ôjílâ íyîkã ró, ôzô gólâ drî ânî âzîrî trá nõ kâtî. Ôvârí äâfê mbârâkã kpá ânî drî yî ngá lésî, â'dô ró bê tâ tândî ânî drî lëlê 'ê'á 'êlá tâ lëlê ânîkã gólâ 'á rî tãsí rî 'ezó î'dî sî lâ ndrî.

12 Ôzô Ôvârí ô'ê tâ nõ 'bá yî trá ânî drî rî, áâ'dô Yésû rî lûyî'á tâ ânî drî 'êlé trá 'dî tãsí. Gô'dá Yésû â'dô tâ âtã'á kî nî rî, nî 'ê tâ trá dódó. Kúmú âmákã Yésû â'dô tâ 'dî 'bá yî 'ê'á cú îtî vö lâ lôgô äkó.

## 2

*Tã ôjílâ gólâ tâ ônjî âsé 'bá rî tãsí*

<sup>1</sup> Āmâ âdrúpĩ yí ãmâ îzó yí bê, mã lě tâ âtálé ãnî drí âgō-âgō Kúmú ãmákâ Yésũ Krístō kâ tāsī, gō'dá kpá ãmâ rû ê'bê-ê'bê rû úsúlí gólâ bê vō ãlô 'á rí tāsī.

<sup>2</sup> Nĩ 'bâ tâ įsũ-įsũ ãnıkâ kô â'dólé rû ônjâ-ônjâ ró gólâ rí âgō-âgō tāsī. Ôzō ôjílâ ãzâ iĩmbâ tâ trá kí'á nĩ rí, kâyî rí 'dĩ âcâ trá rí, nĩ lě tâ-drĩ lâ kô. Ôzō ãzâ ôpē iyíkâ tâ kī, yí ãâbĩ iyíkâ tâ rí 'dĩ âbĩ rí, nĩ lě tâ-drĩ lâ kpá kô. Gō'dá kpá ôzō ãzâ rí ôjô iyíkâ trá tâ įgĩ-įgĩ 'í kí'á nĩ rí, nōô ã'dô Póólô rí tĩ-vō 'í rí, nĩ lě tâ-drĩ lâ kpá kô.

<sup>3-11</sup> Nĩ âyê ôjílâ ãzâ kô ãlôwálâ ãnî âdólé, tâlá mã âtâ tâ 'dĩ 'bá yí trá ndrĩ ãnî drí. Ā'dô âgō-âgō Yésũ kâ tāsī rí, tâ ãzâ 'bá yí â'dô rû 'ê'á sīsĩ. Kâyî ãndrô nô sĩ, Sâtánâ rĩ'á ôjílâ sē'á ũgũ sĩ tâ âtâ-âtâ Ôvârí kâ ârí-ârí lâ gálé dó. Įzátú rí, ôjílâ ãzâ â'dô â'dó'á tâ ônjí âsé 'bá ró. Gō'dá ngbâangbânô rí, iĩgbálákâ áťĩ trá drílâ ôzó âfôô įnyákú drĩ ôzô ãnî drí nĩrĩ rí kâtí. Nĩngá sĩ, įtú-pá mbĩ 'á, gólâ áťĩ iĩgbálákâ 'bá rí, â'dô nĩ'á lâ. Gō'dá ôjílâ rí tâ ônjí âsé 'bá ró 'dĩ â'dô rû â'dá'á trá įnyákú drĩ nōngá. Vólé drĩ lâ 'ásĩ, ôjílâ ângó 'á rí â'dô iĩyĩ rû jã'á kpúrũkélē Ôvârí rú. Gólĩyĩ â'dô gã'á dó tâ pătĩ-pătĩ ró rí ârílí. Ôvârí pătĩ-pătĩ ró rí gō'dá ôvârí âbârãdãgō ãzâ 'bá yí bê ôjílâ drí lũyĩlí Ôvârí ró rí, ôjílâ tâ ônjí âsé 'bá ró 'dĩ â'dô â'dó'á ôvârí 'dĩ 'bá yí drí ndrĩ âjũ-'bá-ãzí ró. Gólâ â'dô iyĩ nyãányã 'bã'á â'dólé lãnjĩ-lãnjĩ ró lãvũlí kôró gólĩyĩ drĩ sĩ ndrĩ. Gólâ â'dô nĩ'á rĩlí vũdrĩ jô ángĩ Ôvârí kâ rí 'álâ. Gō'dá gólâ â'dô úlí âtá'á kí nĩ rí, yí ãâ'dô Ôvârí rĩ'dĩ. Sâtánâ â'dô

mbârâkâ âmbá fê'á òjílã tã ònjí âsé 'bá ró 'dĩ drí, tãlã gólã ò'è ró bê tã lâràkô òjílã tĩ drí â'dízó â'dĩ-â'dĩ drílã sĩ rĩ. Gólã â'dô òjílã dũũ âdó'á tã lâràkô 'dĩ 'bá yĩ sĩ. Ôvârí â'dô tã ìsũ-ìsũ òjílã 'dĩ 'bá yĩ kâ 'è'á â'dólé rũ ònjâ-ònjâ ró, tãlã gólĩyĩ lē âdômâ òjílã tã ònjí âsé 'bá ró 'dĩ kâ trá. Vólé drĩ lâ 'dĩ 'ásĩ, Kúmú Yésũ â'dô âcá'á. Yésũ rĩ mbârâkâ â'dô lâvũ'á gãrã mbârâkâ òjílã 'dĩ kâ rĩ drĩ sĩ, ã'dô ró bê òjílã 'dĩ mbârâkâ lâ 'bãlé â'dólé tã ífĩ ãkó. Mbârâkâ âgõ-âgõ Kúmú âmákâ rĩ kâ â'dô gólã rĩ fũ'á.

12 Tã rĩ 'dĩ 'bá yĩ ãdũkũ lâ â'dô â'dó'á nõtí. Òjílã gólĩyĩ ndrĩ tã pãtĩ rĩ lē 'bá kô gõ'dá rĩ 'bá ìyĩ tã ònjí tètē 'è'è lówó 'èlé ì'dĩ rĩ, Ôvârí â'dô lângõ ònjí tètē ãdũkũ ãkó rĩ fê'á ì'dĩ drílĩyĩ ndrĩ 'dó òjílã gólã tã ònjí âsé 'bá ró 'dĩ bê.

*Tã òjílã drí âdrélé òzõ rákã fê kâtí rĩ*

13 Æní nyãányã drí, âmã âdrúpĩ yĩ âmã ìzó yĩ bê, rĩ'á tã mbĩ ró âmã drí ãwô-ítĩ 'èzó ãní tãsí Ôvârí drí ãní gólĩyĩ Kúmú drí lélé, tãlã tã nô 'bá yĩ tãsí rĩ. Ôvârí êpē ãní òjílã drĩ-kákã gólã drí pãlé rĩ yĩ ró, gólã rĩ Líndrĩ Tãndĩ â'dô ãní 'bã'á ícálé mbĩmbĩ òjílã íyíkã ró, gõ'dá tã lélé ãníkã sĩ tã mbĩ 'á.

14 Ôvârí âjô âmã tã âtĩ-âtĩ íyíkã pélé ãní drí, tãlã tã âmã 'dĩ 'bá yĩ ndrĩ ã'dô ró bê, gõ'dá Kúmú Yésũ ãâtã ró bê kĩ nĩ rĩ, nĩ 'è trá dódó.

15 Òzõ ã'dô ìtĩ rĩ, âmã âdrúpĩ yĩ âmã ìzó yĩ bê, nĩ âdré rákã fê kâtí, rĩ'á tã âmã drí ìmbálé ulí âtã sĩ gõ'dá ìgĩ-ìgĩ lâ ró rĩ 'bá yĩ bê 'bãlé â'dólé ããgã ró ãní drĩ.

16-17 Kúmú âmákâ Yésū Krístō yī Ôvârí âmâ átá bê lê ãyī âmâ trá rōô, gō'dá sō fāfā trá âmâ 'á âmâ 'bālê trá rī'á lĩfĩ 'bālê ngá gólĩyī drí tã lâ 'bālê trá 'è'á fēlâ âmâ drí rī drĩ. Gólĩyī òsō fāfā gārã ãnĩ pĩpĩsĩlĩ 'á, nĩ 'è ró tã gō'dá kpá nĩ âtâ ró úlĩ gólĩyī â'dó 'bá ndrĩ tãndĩ ró rī 'bá yī ã'dĩ.

### 3

*Tã Póôlō drí lēlē Tēsālōnikā lé 'bá ò'è ró rātãã tã lâ sī rī*

<sup>1</sup> Âmâ âdrúpĩ yī âmâ ãzó yī bê, úlĩ âmákâ ãnĩ drí rī cé fĩnyáwá ãtĩ. Nĩ ngô ãwó Ôvârí drí âmâ tãsĩ kĩ nĩ rī, tã âtĩ-âtĩ Ôvârí kã òlâ'bũ ró 'wãã'wã, òjĩlã ãârĩ ró bê tã ángĩ ró, kpá té òzō ãnĩ drí 'èlê trá rī kãtĩ.

<sup>2</sup> Nĩ ngô ãwó, Ôvârí ãã'dô âmâ pã'á òjĩlã ònjĩ drē zãã rĩ 'bá ãyī úlĩ nõ ârĩlĩ kô rī yī drĩgã sĩ.

<sup>3</sup> Pãtĩĩ ró, Ôvârí â'dô mbârâkã âfē'á, gō'dá kpá ãnĩ gārã drĩ ã'ã tã ònjĩ tãsĩ.

<sup>4</sup> Ôvârí 'bã âmâ pĩpĩsĩlĩ trá â'dĩlĩ â'dĩ tã âmâ drí 'bālê ndrĩ ãnĩ drí gōzó rĩ'á 'èlã rī yī tãsĩ. Nĩngã sĩ, mã nĩ ãnĩ trá kĩ nĩ rī, nĩ â'dô kpá úlĩ âmâ drí 'è'á pēlã ãnĩ drí nõ ârĩ'á dódó.

<sup>5</sup> Ôvârí ò'bã ãnĩ nĩlã kĩ nĩ rī, ãnĩ lôvó bê rĩ'á gólã drĩ, gō'dá Kúmú âmákâ Yésū Krístō â'dô 'ã âtũ-âtũ âfē'á nĩ ãnĩ drí rĩzó bê tã lēlē sĩ Ôvârí 'á.

*Tã lôsĩ 'è'è tãsĩ*

<sup>6</sup> Âmâ âdrúpĩ yī âmâ ãzó yī bê, mã âtã tã nõ ãnĩ drí Kúmú âmákâ Yésū Krístō rī vō 'á kĩ nĩ rī, nĩ òngĩ ãrĩ ãnĩkã, nĩ gō ró ótó fã òjĩlã gólĩyĩ ãnĩ lãfálē 'á òvō 'èlê bê rī 'bá yī kã âyélē, tãlã gólĩyĩ

'dĩ 'bá yí 'é ìyíkâ lôsĩ kô òzô ãmâ drí ìmbálé ãnĩ drí 'èlé rĩ kâtí.

7-8 ãnĩ nyãányâ nĩ trá kĩ'á nĩ rĩ, rĩ'á tã mbì 'ì lôsĩ 'èzó té òzô ãmâ drí 'èlé trá ãnĩ lãfálé 'á tólâ nã kâtí. Mã 'è ngá cú urĩ bē ãmâ rú'bà 'ásĩ vò vò ìtú kára búúũ ngácì 'á, tãlã mã òzó nyãsá ãníkâ nyãã kô cú ìtí lãfã lâ fē ãkó.

9 Rĩ'á tã mbì 'ì ãnĩ drí nyãsá fèzó òjílã gólìyì ãnĩ ìmbá 'bá rĩ yí drí. ã'dô kpálé ìtí rĩ, mã 'è ngá 'è'è trá nyãsá ãmâ rú'bà kã rĩ tãsí, ã'dô ró bē tã â'dâ ró lãtì lôsĩ 'è'è kã rĩ ró ãnĩ nyãányâ drí.

10 Gõ'dá mã 'bã tã âtã trá kpã ãnĩ drí kĩ nĩ rĩ, òzô òjílã òlè lôsĩ 'è'è kô rĩ, ófè nyãsá kô drílã.

11 Mã âtã tã ãnĩ drí òzô nõô 'bá yí kâtí, tãlã mã ârĩ trá kĩ nĩ rĩ, òjílã ãzã 'bá yí ãnĩ lãfálé 'ásĩ rĩ'á ìyì pãtĩ òvó ró cú ìtí lôsĩ 'è'è ãzã ãkó ãlôwálã. 'Dĩ gólìyì rĩ'á cé ìyì tì sô'á ì'dĩ tã òjílã ãzã 'bá yí kã 'á.

12 Òjílã gólìyì rĩ 'bã tã 'èlé ìtí 'dĩ 'bá yí, mã 'bã tã nõ trá gólìyì drí ngbálí-ngbálí Kúmú ãmákã Yésù rĩ vò 'á kĩ nĩ rĩ, gólìyì òrĩ lôsĩ 'èlé ìyì drí pìpìsílí ã'dì sĩ, nyãsá ìyíkâ úsúzó bē ì'dĩ sĩ lâ.

13 Òjílã ãzã 'bá yí ã'dô kpálé òvó ró rĩ, ãmã âdrúpì yì ãmã ìzó yì bē, nĩ rĩ ãnìngá gbõ cé lôsĩ pãtĩ rĩ 'èlé ì'dĩ dódó.

14 Òzô òjílã ãzã ògã dó úlì ãmã drí ìgílì ãnĩ drí nõ ârílì rĩ, nĩ ndrè gólã ìfìfì sĩ, gõ'dá nĩ òngì cé árì ãníkã ì'dĩ, nĩ âyè ró gólã rĩ ótó fã, tãlã gólã â'dô ró bē ãnyĩ ró, gõ'dá rú jálé tã mbì rĩ 'èlé ì'dĩ.

15 Úlì nõ ìtò lâ â'dó kô ãnĩ drí gólã rĩ lôvó 'bãzó kó rĩ kô, nĩ rĩ zãã tã ìsùlì kĩ nĩ rĩ, gólã ãnĩ òjílã

ãzí 'î, gō'dá nĩ sō ró drí-mbíí gólâ rî Ìfí 'á tãlâ tã 'dî tãsí.

*Nî-bê-yã Póólō kâ Tēsālōnikā lé 'bá yí drí*

<sup>16</sup> Ítí rî, Kúmú ãmákâ rî nyãányâ lâ õ'bã ãní ríí ãyíkõ sî tã ãní drí rí'á 'êlâ ndrî kárâ rî tãsí. Kúmú tã ã'dí kâ rî õfê tã ã'dí ãní drí.

<sup>17</sup> Á'dalé ãní drí kí'á nĩ rî, má îgî wárãgã nô nĩ ãní drí rî, ngbãangbânõ, mà Póólõ îgî ámâ rú nõ trá ãkpã nĩ ámâ drí nyãányâ sî ãní drí. Nĩ nĩ ámâ drí võ trá.

<sup>18</sup> Ôvârí ãã'dô ãní bê ndrî. Gólâ ããfê õrê ãní drí cú tãkó ítí. Í'dí 'dî.

## **Tã-drĩ Lěľě Ó'dí Óvârí Kâ**

### **Avokaya: Tã-drĩ Lěľě Ó'dí Óvârí Kâ New Testament**

copyright © 2002 Wycliffe Bible Translators, Inc.

Language: (Avokaya)

Contributor: Wycliffe Bible Translators, Inc.

All rights reserved.

2020-11-13

---

PDF generated using Haiola and XeLaTeX on 1 Oct 2024 from source files  
dated 29 Jan 2022

87931ba7-0e83-5f4d-bd6e-8c45876fc354